



# KBC | THUSO

Regd.No.19134/88 <http://www.kbc.org.in> NAI/220/99  
No-G-4/Regd.Magazine/KBCThuso/MNP-81

Kum 53 Ihinna

Bulte/February 2016

So 442



**Lydia  
Resource  
Centre**  
Inthah kithenso ta



**CHIN BAPTIST**  
lamkai ho to Development to kisai ja kimuto na



**MARCH EVENTS**

\*KBC MISSION WEEK-01-06\* PALM SUNDAY-20\*  
\*GOOD FRIDAY-25\* EASTER SUNDAY-27\*

John. 17:11

"Kapa theng, eini pumkhat ihi bang a amaho jong  
pumkhat ahitheina ding un, Nangman amahohi hong in"

# CONTENTS

T H U M A K A I H O

1. Characteristics of Mose's Leadership/ <i>Editorial</i>	1
2. Pakai kagam sung'u / <i>Rev. Thangsat</i>	4
3. Sunday School Jilkung/ <i>Pastor Haoneo Haokip</i>	6
4. Management hi ipi ham? / <i>Pastor Henkholen Kipgen</i>	13
5. Taona hi Pathen to kihoumatna/ <i>Lhingbem Haokip</i>	15
6. Mina som thulem ipi seina ham?/ <i>Pastor Tingoulen</i>	18
7. Nule pa ngailutna thusim/ <i>Gl. Paotinchon Singson</i>	20
8. Mission Column	23
9. Men Column	27
10. Literature Column	30
11. Women Column	33
12. Report	34

## EDITORIAL BOARD

<i>Chairman</i>	: <i>Rev. Dr. Hawlingam Haokip, President KBC</i>
<i>Editor</i>	: <i>Rev. Ngamjapao Haokip, General Secretary</i>
<i>Joint Editor</i>	: <i>Rev. Dr. Paotinthang Chongloi, Mission Secretary</i>
<i>Contributing Editors</i>	: <i>Rev. Tunlal Haokip, Secretary Youth &amp; Litt.</i> <i>Rev. Thangsat Kipgen , Men Secy.</i> <i>Mrs. Tinkholhing, Women Secy.</i>
<i>Cir. Manager</i>	: <i>Miss Lhingjanem Haokip</i>
<i>Design &amp; Layout</i>	: <i>Hemkholen Haokip</i>

## T H U S O L A H M A N

Church/Organisation/ Department .....Rs. 200/-  
Individual .....Rs. 100/- (Post a Rs. 50/- pehbe ding)

Indian Overseas Bank, Imphal Branch  
A/c No. 073201000000350 IFSC No. IOBA0000732

The General Secretary,  
Kuki Baptist Convention,  
Opp. DM College, Imphal 795001, Manipur  
email: kbcindia@rediffmail.com

Advertisement bolnom hon Mobile No. 9612817768 Contact thei.  
Circulation to kisai lam Mobile No. 9862633173 bol ding.



### “Characteristics of Mose’s Leadership,”

editorial

Kum 2016 adia Lhani channa February ahung lhun toh kilhon na Editorial Message kahin sutthei ding jallin kakipah in, tuni channa damna eipea Pa, Pathen kathangvah’in, chule tunichan na KBC, Thuso ngailutah a anasim jingho chungga jong kipathu sangtahin kahin phongin ahi. Vannoi leiset chungga kichat umpen khat chu thina hi ahin, theida umpen khat chu mijouho ahiuvin, dei umpen khat chu ahileh kipana hi ahin, hiche hi mijousen adeipen khat chu ahi. Tunin Kuki Baptist Convention ikiloikhom naova hin ivetna ahileh Houbung hat le hatlou, akitah le akitahlou chu kumlhun Tohphon na hi eima hina hojouse chu kiphong doh ji ahitai. Kakam in ipi sei jong leng kanatoh na chu asakhi / ahetoh (evidence) chu ahijeng’e. Ipihileh anoija Bible chang mangchan chomcha anakihou lim’u hiute.

“Characteristics of Mose’s Leadership,” kiti hi Exodus.3:13 – 22, sung ivet leh Pathen in Mose chu Israel te Egypt gam’a asohchan naova kon’a gapui doh dinga ana solna imu’vin ahi. Hiche hi thil kidang tah ahin, ama dinga alunga agelphah lou thil khat hi dingin tahsan aum in ahi. Mose hinkho’a lamkai khat hina’a alohin na thuguh chu ahileh; (i) Ama akineo sah na pa hi alohin na khat in apangin ahi, (ii) Athoh hatna hi ama dinga alohinna khat in

apangin ahi, (iii) Mipi lung akhol jing napa hi ahi.

1. Ama akineo sahna pahi alohinna khat in apangin ahi. Amahi tulai leiset education umdan in kiseileh Master degree holder khat toh kibang dingin akiseijin ahi. Hijongle ama ahinkho'a hin akimudan in Kithep sahna, kiletsah na or kithupi sahna akimu pon ahi. Hiche jeh'a hi pathen in ana deilhen hi dingin jong tahsan aum in ahi. Bible in hitin aseijin ahi ; "Kiletsah na ahunglut tengleh, vetdana ahunglut paijin ahi," atin ahi (Pro.11:2). Pakai Jesu Ama jeng tah in jong kiletsah abol pon ahi, ama avan laltou na a konin ahung kumlan neosah tahin mihem in ahung peng in ahi. Akineo sah jehin Israel mipi chujat chu gam mang noija ahin pui thei ahi ti akimun ahi.

2. Athohhat na hi ama dingin alohinna khat in apangin ahi, ajeh chu mose hinkho jeng she ahipon, lamkai khat hinkho'a chu thohhat na aum lou leh losam na um tei ding ahi ti kichen in akimun ahi. Ipu'u Lamkai Mose hinkho hi phatah'a ivet leh athohhat na hohi pachat umtah ahi. Mipi ahung phun taovin ahi, ahinlah aman thipbep chan angai ngaijin ol ol in mipi ho chu ahiljin, alung han naova konin ahilthem jo jin ahi. Israel mipi teho Twipisan len panga Egypt te gal sepai hon ahin delkhum pet'u jengin jong aman thohhat tahin pathen khut thahat chu ana ngah in ahileh, Pathen in thu ahin pen, "Na khut chu twikhanglen chung lam ngan jah in," tin thu ahin pen ahi. Athohhat na chun Pathen thahat na chu akimutan ahi (Ex. 14:21).

3. Mipi lung akhol jing in ahi ; Israel mite "Sin" kiti gam manga konin akitol'un, Rephidim a chun ngahmun akisem taovin, hichelai tah chun adang'u ahung chahtan, hichun Lamkai Mose kom'a chun akiphin kit taovin ahi. Hichun Mose jong pathen henga anatao vin ahileh Pathen in ahin houlimpi tan, hijeh chun Horeb molsang a songpi a kon in keiman Israel te don ding twi chu kapeh ding, chuteng amahon alungna chimset'uva adon dingu ahitin aseipeh tan ahi, (Ex.17:4 – 6).

*Mipi lung hol or khol kiti hi lamkai hina mopohna khat ahi. Pakai Jesu Ama jengin jong leisetna alen laiija mipi hochu ana khoto jia, ana damlou ho ana damsah'a, agikkel teho changlhah a ana vahva ji ahi (Mtt.14:13 – 21).*

*Achainan : Greek te philosopher Socrates kitipa leh Bishop khat kimuto thusim ; Socrates kiti mi them miching pan, Holy man tia kikou Bishop pa chu adong in ;" I-bol'a mihon nang hi mitheng pa tia na-kou ham ? ati leh, Bishop pa or holy man kitipa chun, " kahepoi, ibol'a mihon hitia eikou'u ham, ken kakihet chu ahileh, keima michonse, lhinglelna dimset kahi bou hi kakihet in ahi," atin ahi. Chuin Bishop pa chun philosopher pa chu adong in, ahileh mihon nang hi philosopher sangpen natiu hi ipi jeh ham ? tin adong in ahileh , Socrates in, hitin adonbut in ahi," I know nothing what I know" atin ahi. Hiche aseidoh theijal lhon na chu tunia amani chu, mipin title sangpen anapeh lhon ahitai, ajeh chu khat in kei michonse le alhinglel pen atin, khat pan"kahetai kati ho hi khat cha kana het umlou ahi," tin anaki donbut to lhon'e ti thusim akimun ahi. Hijeh chun Sopi, nang le kei jong pathen in alhacha'a einganse na leh mopohna lamchom cheh'a ipeh nao aum in, eima hanta le chihna a kisong louvin Pathen angung'a kiselut joh'a Ama kilamkai sah ding joh hi thupi ahin, kineosah leh thohhat na hinkho pum'a mipi or Pathen na kitong chun machal na jong Pathen lung lhaina jong um ding ahi ti chomcha ikihoulim nao athuneipan ibon chaova ding in phatthei iboh peh taohen, Amen.*

# PAKAI KAGAMSUNGU NEISEMPHAT PEH UN

*Rev. Thangsat Kipgen  
Secy.Men Department,KBC.*

## **Sermon**

Amasan KBC Thuso ngailut na neitah a anasim jinga ngahlel ho jouse Pakai Jesu minnin kangailut nao Salam kahin peovin ahi. Pakai Pathennin kum 2015 a boina hahsat na le ka na le maona lah a kona eisanga ching jo le themjo tamtah in muman talouvin mol ana leptaovin, hinla eihon Kumthah 2016 iumu uva tu Bulte lhani channa imuthei u va maban kalsong thei dinga tohgon inei thei te ho ivetna ahileh nangle kei Pathennin ipi ham khat boldoh dinga eigonnu ahi ti isuhmil lou diu vin iki tiemun ahi. Chule maban na guttah a nakhat tongdoh dinga pheiphung song dingin Pakai minnin ikitiemun ahi.

Tu kum kipat lai ahito kilhonna chungahung kitah lang thupitah hi alhingset in kisei jou hih jongle aning khat beh isei uva taona item ma ikoi lut uva pan ilah jing dingun kahin tah langin ahi.

Pathen nin semtillin athilsem ho nikhat a konin ni 6 chan nin aven ahileh athilsem sa ho chungahung akipah lleh jengin ahi ti Genesis ivet le akimun ahi. Gamsung Eden hon chapnou dingin jong tuiheng ning lhingset in ana longin, gamsa chule thingphung ganei chom chom ning lhing set nin ana um min Eden hon sunga mihem teni jong nomtah in Pathen toh ana kivop lhonnin Fellowship aana nei jingun ahi. Ahile Pathen nin asemsa chungahung akipa na hi tu dinmun na ivet na ahileh alam dang gamtan kipa na sangin lunghan na adim tan ahi. Tukhang idin mun u alhangpi a ivet na ahile Houbung kipum khat na sangin kibung khen na atamchek cheh in, nampidinga phadingham tia Organisation hung kiphutdoh ho jong hi ivet leh doi le tup kicheh lou mipi juithei dingin aumkigo tapon, Gamsunga kivai hom na ho ivet na ahijongle keija nanga loitumsem atam tan, kilung khat tah a tohkhom ding ti hita louvin kikhen telnan vai ihom taovin lunglut tah a inampiu hinkho tahsa lam le lhagaolam ivet teng leh lungkham na dimset akineijin hoilai mun ailhun diu ham ti hi nunao chapang geijin jong along kham tan ahi. Hiti ahijeh chun Pakai kom bell u tin Pakai kagam sungu neisem phat peh taovin tin dilsun pan ana lao hite.

1. Kagamsungu neisemphat peh taovin : Hiche thucheng mangin Pathen henga tao tao jong leohen, eiho toh ding pa akitoh louva ahileh phatthei na ichan lou diu ahi. Isreal te Egypt gama kona baitah le nom tah a Canaan gam a dia hung kipan doh ahipou ve. Programe umma hiche Programme chu Pathen nin Mose ana manchah a genthei na tin cheng ana thoh uva hung potdoh u ahi. Pathen chun amite puidoh na ding chun thil kidang tampi ana bolnai, hinla amahon Lamkai Mosen thu anapeh u ana nungun ahi. Hiche tobang chun eiho namssungin lung kitoh tah a Pathen henga itao uva, idin khomu va ahileh, ikithu ngai u va ahileh Pathen amite ngailu chun phatthei ei-boh u va eisem phat diu ahi.

2. Houbung Sung: Pakai Jesu in Pa henga taona ana nein a a Pa eini pumkhat ihi bangin amaho jong pumkhat ahi thei na dingin ati hi eiho tahsan chaten kipum khat na khellin kibung khen naninei taovin hiche hi ivet na ahileh, inam sungu sapset na khat ichannu ham tin kagellin ahi. Aphai Houbung kaina chom chom nei jong leohen apumpia common platform khat phatah a nein a dingin lamkai luboh honana gonnu KCLF jong kipom thei lou vin ium kit taovin, lung lut tah a ivetna ahileh bolding

dang aaumpon chule ilhun naa diu jong hi lungdon tijat umtah hung hileh akilom jeng tai. Hiche hithei nadingin Houbung sunga luboh jousen kingainem tah a Pathen henga ikipeh lut uva, Houbung sung le gamsung isem mu va pha hita lou ding ham.

3. Nehemiah in agamsungu, Jerusalem akisuh chim aheth nin taona ana mangin Lengpa juhaidom nomtah a umpa chun genthei hesoh thoh ding kicha lou khop min hinkho ana mangin anam sungu, khoppi semphat na dingin Pathen ana bellin ama lamkai na in semphat le tundoh thah in ana umtan ahi. Tunin veote sopi te, Mi vetda da ichangun, loitum semna in hinkho imangun hiche jong chun kipum khat na semdoh nan aumdeh pon, muda le vetda ium um na diu sangin Hungun Jerusalem kulpi kaipha kit taote ati bangin hiche slogan hi mang chaotin, ipu ipao khanga jolel bollel sih nei lang nei umlouva vai ana hom mu va ama ho vaihom na a chaga,meithai hon nomtah a achagat lam helou va aum bangun tunin pan lakhom mu tin dilsun tao leohen hen iti jong leh Pathen nin inam sungu, Houbung hi phatthei na lhingset ana eipeh diu ahi. Pathennin asim jouse phatthei eiboh tauhen.

# SUNDAY SCHOOL SUPERINTENDENT, CHULE SUNDAY SCHOOL JILKUNG

## MOPOH NALE ATOH DING

*Pastor Haoneo Haokip  
Secretary, Lit & Pub.*

### **Strategies**

Themjil na/kihil na/kijil na/ kichuh na kiti hi mihem hinkho a pelthei lou thil ahi. Hichea hin tahsa lam a themjil na/kichuh na (Secular Education) aumim, lhagao lam/Christian hinkho a themjil na/kichuh na (Christian Education) aumin ahi. Sunday School kiti hi Christian Education ahi. Hichehi Christian te kiloikhom na Houbung natoh na bakai khat ahin, hichehi Christian khat in Pathen thupha to kitoh a Christian hinkho dihtah le phatah a amandoh thei nadinga kihil na/kichuh na/kijil na (Christian Education) ahi. Hiche hi Christian hina a Pathen thu lam het nadinga kijilna mun thupitah chu ahi.

Sunday school Superintendent kiti hi hitobang natoh na (Sunday School) lam a mopoh na nei, avesui le asutoh hina natoh ahi. Hiche toh mun hi Houbung sunga natoh ho lah a natoh thupi tah khat ahi. Hitobang chun, Sunday School jilkung khat hina natoh jong hi Houbunga natoh ho lah a natoh thupi tah khat ma ahi. Hijeh chun, Sunday School phatah a akhantouva amachal theina dingin, Sunday School Superintendent mopoh nale Sunday School jilkung mopoh nahi alen l'leh jengin ahi. Sunday School machal le machal lou hi Superintendent hole jilkung ho khut a akingam e tijeng thei ahi. Vangset umtah in, Sunday school Superintendent konkhat in ipi atoh a, ipi abolding ham ti gelphalouva, ima bldoh louva amin mohpoh a poh tho loi aumjin ahi. Hitobang chun, Sunday School

jilkung konkhat jong chu thou/kin (Duty) suhlhah na mai maiya class alah tilouva amopoh nale atohding dang dang ho gel pha behseh lou mi aumjin ahi. Hiti chu hilouding, Sunday School Superintendent hole jilkung ho chun amopoh nau le atoh ding

dol-u phatah a aheth-uva, Sunday School machal nale khandou nadinga ngailutna neitah, lung lut tah le gunchu tah a na atohdiu doltah ahi. Hiche to kilhonin Sunday School superintendent hole jilkung ho natoh - athanei nau, amo poh nau le



atohding dolhou anoia kipe bangin veu hite.

## 1. Superintendent

### 1.1. Ahina

Sunday School Superintendent chu Lhagaova hin na kichehtah (Penthah na dihtah) nei mi hiteiding, anatoh na khohsah le ngailu (Commitment neitah) mi hiteiding, adeh a Sunday school lam thudol a het them na neijep a lunglut nale khohsah na nei, tahsa le lhagaova atohmun to kitoh a hinkho manga vetjui thei mi khat hiteiding ahi.

### 1.2. Athanei na

Sunday School Department a ama hi aluboh (Head) hiding, Sunday School lam thua achal/atuh, thunei vaibol (Controller/Administrator) hiding ahi. Amavang hiche thunei vaibol na hi aning anop a amanchah ding hilouvin, Pastor/Head Deacon/Board of deacon to kijah to/ki-het tona a kon hiding ahi. Ama hi Board of Deacon lah a khat hding ahi.

### 1.3. Pastor/Head Deacon le Sunday School Superintendent Kikah

Sunday School Superintendet khat chun Pastor/Head Deacon hephalouva (doh le tun a neilouva) acham cham/aning anop a thunei tah a na amoh toh toh

jeng thei ahipoi. Pastor/Head deacon to kihet to/kijah tona a bou atoh ding ahi; ajeh chu Houbung (Local Church) kivi-poh/kivaihom nadol a aluboh (Head) chu pastor/Head deacon ahi. Amavang, Pastor/Head Deacon in jong aluboh kahnai tia Superintendent chung a alamlouva thuneina amoh chu chu jeng louding, Sunday School khantou machal nathei ding lam to kitoh a natoh na lam a Superintendent chu chamlat na apeh ding, alamlouva atoh na/adih louna le boina theiding hoa bou avetsuiding ahi. Hiche kikah hi achetoh loule Superintendent le Pastor/Head deacon kikah a kihetkhel nale boina sohthei ahi.

### 1.4. Amopoh na

i) Sunday School lam thua vaipo/vaibol (Administrator) hiding ahi. Amavang, hiche hi Sunday School thua/Sunday school kivaipoh na dan dungjuia bou hiding, alhangpia Houbung kivaipoh na a Pastor/Head deacon chopkhup/khokhel a thunei vaihom na hiling ahi.

ii) Sunday School phatah a ache/achelou, akhantou/akhantou lou, amchal/amachal lou hi Superintendent mopoh na hiding ahi.

iii) Sunday School Board/Committee Meeting a Chairperson hiding (Chair aloding) ahi.

iv) Sunday School lam thua nato phatah a achelhah thei nadinga nato vesui (Supervisor) hiding ahi.

v) Sunday School khantou machal nading lung gel le tohgon abol/asem a, tohdoh teiding agotding ahi.

vi) Kumlunga Sunday School lam nato/thilbol le Jilkung, simlai, chule Pastor/Head Deacon ahiloule Deacon Board kihak a kivaipoh nale nato sutoh/toltoh (Co-ordinator) a pangding ahi

vii) Sunday School machal le machal lou/khantou le khantou lou hi ama mopoh na ahi.

### 1.5. Atohding ho

i) Board of Deacon to kithoa Sunday School kivaipoh nading dan (By-law) asem ding, hicheto kitoh a chu vai apohding ahi.

ii) Sunday school a (Class/Group dungjuia) simding/kihil nading/choiding lekhabu le adang dang (Material/curriculum) agontoh ding, hicheho chu jilkung le simlai hon aneicheh (achoicheh) diuva agonding ahi.

iii) Sunday school phatea chelha jing nam ti avet tup ding, ahimona/akitup louna aumle asuhtup/auhtoh ding ahi.

iv) Jilkung ho phatah kainaovem ti avettup ding, akailou aumle akhelling agontup ding ahi.

v) Jilkung hon phatah a mi ahiljing nah-uvem ti avettup jingding, pontho tah le phatah a hiljing dinga atilkhoh jingding ahi.

vi) Simlai (Student) ho phatah a kaijing naovem ti (Students' attendance) avet tup jingding, akailou ho phatah a akai nadiuva atilkhoh jingding ahi. Chapangho ahile anu-apa ten jong phatah a achateu akaisah jing nadiuva atilkhoh jing ding ahi.

vii) Simlai ho umdan le dinmun (Performance) jilkungho to kihe-to jinga, alhasam aumle akhantou/semphat nading agondiu, chapang lang ho ahile anu ap teu to kihetoha agondiu ahi.

viii) Attendance Register, Blackboard/whiteboard, chalk/Marker, Duster etc ho avat/apa umam ti avet tup jingding, asuhtup jingding ahi.

ix) Jilkung ho khantou machal thei nadinga Training/Workshop kitiho ngaichat ahidung juia agonding ahi. Amatah jong akisuhkhang (aki Update) jinga mi ahilthei nadinga amatah in jong Sunday school lam to kisaiya Training/Workshop hoa pan alah jing ding ahi.

x) Houbung mipin adeh a Pilhing (Adult) Class hon Sunday school agelkhoh-uva, mijouse phatah a Sunday school akaijing natheidiu Deacon Board ho to kithoa lampi agonding, Sunday School lam a mi thanop sah (Motivator) hiding ahi.

xi) Committee/Board to kithoa Sunday school Budget agontup ding ahi, Budget dungjuia sum le pai kimanna avet tupding ahi.

xii) Houbung mipi anga Sunday School machalna thulhut (Progress Report) apah jing ding, aphilou ho semphat nading lampi agonding ahi.

xiv) Sunday School hi Houbung miho dinga Pathen thu hetnale Pathen thua kibulphu detna ahi, hinkho kisémpat na lampi phatah le dihtah asodoh na dinga Houbung lamkaiho to kithoa pan hatah a alah ding ahi.

xv) Pastor/Head Deacon to kithoa Sunday School machal nading lampi agonjing dinga hi.

xvi) Deacon Board le Sunday School Department kakah a palai hiding, Khantou machal nading lampi Deacon Board a apohlut jing ding ahi.

## 2. Sunday School Jilkung (Teacher)

### 2.1. Ahina

Sunday School jilkung (Teacher) khat chu

i) Tahsalam le lhagaolam a hinkho phatah mang hiteiding ahi.

ii) Lhagaova penthah na dihtah nei mi hiteiding ahi.

iii) Tahsa le lhagao hinkhoa vetjui thei tah hinkho mang hiteiding ahi.

iv) Atoh na a lunglut nale ngailut na neiya gunchu tah a natong hiding ahi.

v) Pathen thu a lunglut nale khohsah na neitah, chule Sunday School lam a het them na neiya mihil lam a lunglut na neitah mi hiteiding ahi.

vi) Jil lai ho to akikah (Relationship) phatah le dihtah a sem a, akikichat sah behseh lou, kinnoise sah behseh lou, kivetda sah/akithet sah louva, angailut theidiu le aja theidiu doltah a um a hinkho mang hiding ahi.

### 2.2. Amopoh na

i) Jillai ho thu hila hetsah mai mai hilouva, thu hil le hetsah na chung chon a jillai ho hinkho puidih le semphat ding hi Sunday School jilkung khat mopoh na lentah khat ahi. Hitobang mi hidoh tei nadinga akihabol angaiye.

ii) Jilkung khat chu jillai hon avetjuia kisémpat na/kisuh dihtah na/kipuidih na (Role Model) dihtah a aneithe mi hiteiding ahi. Hitobang hinkho chu amantei angaiye.

iii) Sunday School jilkung khat chun jillai ho chu huhhing na a apuilut tei angaiye.

iv) Chate/chapang lang jilkung khat chu jillai hodinga insunga nu le pa khel a nu le pa a pang ahi. Hijeh a chu, nu le pa ten achate angailut banga jilkungin jillai ho chu ngailut na neitah a asinding ahi.

v) Jillai ho hinkho aphi/amphi lam a akikhel sah (Transform) got teiding ahi.

### 2.3. Atohdng

i) Ahilding thumun (Lesson/Topic) chu phatah le dih tah a ahildoh thei tei nadinga phatah asim masat a, Pathen henga taona to thoa phatah a kigotna (Preparation) anei masah teiding ahi.

ii) Ahil chu jillai hon ahet jing thei nadiuva velvet pi (Revision/Repeatation/Recapitulation) abolpi jiding ahi.

iii) Amihil chu thou/kin (Duty) sulhah na mai maiya bol louva, gelkhoh na/khohsah na/ngailut na neitah le pontho tah le lunglut tah a ahilding ahi.

iv) Jillai hinkho le umchan phatah a akhol a ahet them a, thumop na (Couselling) peh ngai aumle phatah a athumop ding (Couselling abolding), ahinkho asemphat ding ahi.

v) Jillai ho umchan/chonchan

dih le pha (Discipline & Manner) ahil a apuidih ding ahi.

vi) Chapang jillai ho chu lungphan/hutot/namphu (Force) a abol louding, ahithe chan a mol a ajep louding, thoh hat tah le lung neng tah a mailhaisel a ol le kanga ahilding/apuiding ahi.

vii) Jillai ho chu lungset tum/ngailut tum, vetda tum, ja tum/noise tum (lang nei/sih nei) bol louva, kibang del a/tang gol a khohsah nale ngailut na neitah a apuiding/asinding ahi.

viii) Ama jengseh in phat manchai agot louding, jillai hon jong ahethnau/athepnau amanchah thei nadiuva jillai ho seimun tohmun (Acitivities) apehdng ahi.

ix) Jillai ho chun ahil na chu ahethnah-uvem ti hetdoh nadinga thudoh abolji ding, aheho chu pachat na apeh a atilkhouding, ahelouho chu lunghan khum/phosal/sosal/jontai/gotna peh (Punishment peh) bol louva, ahethlou chu phatah a aseipeh (ahil) a, ahet thei nadinga atilkhouding ahetsah teiding ahi.

x) Jillai hon lunglut tah le thanom tah a amihil/athusei angai thei nadiuva pan alah thei nadiuva lamdih a alunglut thei nadiu le athanop theina diu lampi agonding ahi.

xi) Chapang jillai ho chu kichep khpmphi, lasah khomphi kitiho

jong abolpi jiding ahi.

xii) Jillai ho lungput le umchan (Psychology) amat toh a, ahinau phatah a aheth toh a, ahina dungjui cheh a apuding ahi.

xiii) Jillai hon aheth them thei-yuva, achinjing thei nadiuva angaichat na chan a umchan tho le lim vetsah (Action/visual Aids) to thoa ahilding ahi.

xiv) Chapang jillai ho chu kichep na jat chom chom (Bible Games/Puppy Show/Papper Cutting/Story telling/ Dram/Skit) abolpi/ahilji ding, ahitheile Games/Sports jong kumkhat a niveibeh abolpi jiding ahi.

xv) chapang jillai ho chu thuhil keiseh hilouva Action Song/Choreography ho ahila asah khompi jiding ahi

xvi) Sunday School jilkung hon Sunday School Superintendent to kitho/kiheto a Plan/Budget agonuva, jillai ho chu ahitheile kumkhat sunga khatvei beh kiloikhom a vakhompi (Trip/outing/Excursion/Study Tour) achepi diu ahi.

xvii) Jilkung chu jillai ho dinga kithopi pha (Facilitator), thumop them (Counselor), kichuh sah le hetsah them (Inculcator), asuthou le thanopsah (Motivator), apuihoi le lamhil (Guide/Mentor), chule golpha ( Good Friend) hiding ahi.

xviii) Christa'n eingailut ban-guva jillai ho chu angailutna neitah a asinding, taona amnpih jingding amaho tojong takhom iding ahi.

xix) Chapang ho chu agavil jiding, ama in a jong akouji (Invite abolji) ding, anu apateu tojong kiheto jingding

xx) Jillai ho thusei phatah a angaithem peh a, aumchanu aheth thema, aboinahou aheth thempeh a aboinau sulhap nadinga pan alah a akithopi ding ahi.

xxi) Jillai ho pen nikho a kipa thuthot (Bithday Greetings) abolji ding ahi.

xxii) Jillai ho chu huhhingna thua puilut tei agot a, huhhingna a apuilut ding ahi.

xxiv) Jilkung khat chun jillai ho chu ataopeh jing ding ahi.

\* Chunga kiseiho (Sunday School Superintendent le jilkung natoh - ahinading dol, athaneina, amopoh nale atohding ho) jouse hi phatah a tohdoh thei nadinga Lhagao Theng kithopi nale Pathen mapuina jala tohdoh tei nadinga Pathen a taona le kipeh thengna (Commitment) neitah a pan lah angaiye. Chuteng le bou igam sungu/i Houbung sunguva Sunday School machal nale khantouna umthei ding ahi. Hije chun, hiche thu hung kijih

hi Houbung lamkai ho, adeh a Sunday School Superintendent ho le jilkung hon phatah a isimuva, hiche lekhabu hi phatah a ikikoiyuva, aphot seh a isim jinguva ichepi jingu angaiyin ahi.

## **GAMBIH NO.14 YOUTH CAMP KICHAITA**



Pathen milungsetna jal in gam-sungah hahsatna chom chom umjongleh Gambih Youth Camp New Samtal B/Church mun ah Dt. 5-9 January, 2016 sungin lohlingtah in akimangin ahi. Camper Nungah Gollhang agomin mi 198 alhingin Speaker in Pastor Lhunkholal apangin Thupi: Mihemin atu tu a at ding ahi Gal.6:7 (b) mangchan Camper ho nasatah in atilkhoh in kikhelna jong anei lneh'uve. Chuleh Camp Director in Gl. Haoneo Baite KBC Music Master pa apangin vahchoila leh phatbih kipe ho phatah in ivettup peh un ahi.

Kipa umtah khat chu tuchung Camp hi Gambih sunga Youth Camp ana kibolna lah a nungah gollhang tampenna hidingin jong mipihon aseu uve, Camp sunga kibol ho hi Gambih sunga Record

ding ngen ahijeh in kipa aum lneh'e. Ajuh chu Tahsan tuilutna jong (Baptize) Nungah Gollhang agomin mi 52 Pastor Mangjapao in mi 26 Pastor Limminthang mi 26 Gambih Pastor teni jong Camp a ahungpan Ihon a tuilutna kin jong kilungtoh tah a abol Ihon hi akiven ahileh Peter leh John toh akilou Ihonin mipin kija thu akisei e. New Samtal Houbung mipite ho hapanna leh Gambih 14 sungah Houbungho hapanna hi seijou lou nachunguvah Youth ten kahin phonguve. Chuleh New Samtal Haosapu Henkholun leh Pu Limjam ADC tolbung Constituency ah changval a hapanna jal in akilohlingthei in Pathenin phatthei naboh cheh taohen, Amen.

Letkholal  
Youth Secretary, KBC No.14.

# Management hi epi ham?

*Henkholen kipgen  
Development coordinator, KBC.*

## MANAGEMENT & PLANNING

Hetthei pen nading in kitup tah a enei, egou, ethepna hohi kitup-tah a manchah hi management ahi. Tukhang hin management hi level sangtah in akikoi tan, simlai honjong hiche management studies lang ajon uvin chule natoh hoitah tah akimu vin ahi. Eimi te context a veleo hen, amasan epi chu manage ebol diu ham? E resource u epi ham? e resource u kibang chet hihih jong le alhang pi'in e resource u hi inn le lou, farm, gancha jatchom chom, sumle pai, natoh jat chom chom chule chate hohi e resource u ahi, hiche enei egou uhi ahi nabang tah leh kituptah a emancha uva ahileh seilou'a ekhantou jeng diu ahi. enei egou hohi amanchah ji ethep lou uva ahileh chomkah lou a ei'a hitalou a mi'a hikitei ahijeh in management hi thep angai l'heh in ahi.

Management hi jat chom chom aum'in, vetsah nan Hospital Management aum'in, School Management, Finance Management, Church Management, Business Management chule adang tamtah aum e. epi bol a phat masa lai a gel khoh a kinei lou tulai a sang tah a egel khoh diu ham? Phat ache dungjui in kikhel najong aum'in, tukhang hi emalam jouse a kitet na khang ahitan, ahoipen aphapen kiti hi tulai mijouse dei ahitai,

Genesis 1:26 veleo hen pathen in mihem te'a dia twikhanglen'a nga ho, vanlajoi'a vachate chule leiset chung'a ganhing, thingphung

tuile song aum jouse chung a thunei na eipeh u ahin. Hiche thunei na hi edei dei le enop nop a suh chat vai ding a thunei na eipeh u ahipon kitup tah le ahina bangtah a manchah nading'a thunei na eikipe jo ahi. Kum 30 masang a egam sung ule ekhovel u tu a toh vet kahleo hen akikhel tampi emu diu ahin, vangset umtah

in thilpha lang a kikhel hilou in aselam joh a kikhel joh in akimun. vetsah na in masang lai in khosung a tui(water) a akiboi pon, kumlhung'a tui along'in. vadung a jong nga(fish) tampi akiman thei in, gamlah'a jong eche leh vacha jatchom chom akimun chule gamsa jong tampi akimun, asat adap(climate) jong ana hoi in, tunvang

akikhel gamtan akikhel sah hi koima dang ahipon eiho ehivue,thiljouse sempa lungdei chu ahileh mihem ten kituptah'a amancha diu chu ahin,hinla ei-hon engaichat val'a na ethoh jeh uvin thil kikhel na tampi esodoh uvin ahi.ase chu se tajong le tu'a kipat a echih thei lou uva ahileh seijou lou'a hasatna imakho'va aum'e.

#### PLANNING:

Thil ibol masang a lunggel thuhtah'a kigotna kinei hohi planning in akihen,hiche lunggel hi thil thupi tah ahi.lunggel bei'in thil akibol deh pon,thil ibol masang'a lunggel saotah/kigotna nei aphai.Planning ahoileh tohdng a kigong aloh-ing thei e,vetsahna'in inn(house) saho khun inn sah amohpat jeng'u ahipon asah masang uva thil gontoh sa'a akoijou uva nathoh apatbep'u ahi,Eg,Inn design,Material,Labour,Money,Time etc.

#### Nehemiah Planning Model:

Jerusalem khopi akisuh set phat'in Nehemiah injong sahphat nading lunggel anei'in,alunggel molso nading in amasan planning akisem in ahi.

1. Lengpa lunglah nading'a lunghem melso atho:Nehemiah lunghem melso chun lengpa Artaxerxes chu alungdonsah in,Nehemiah in kichen tah 'a aseipeh phat in lung lhai sel in alunggel molso din phalna

apetan ahi.

2. Euprates Governor komma lengpan pass permit aseipeh ding:Hiche pass permit hi Nehemiah in aneilou a ahileh lampi'a kiman thei ahin,hiche munathei nading'a chu Nehemiah in lengpa amanchah'a aboi nading akisuh fel ahi.

3. Thing angaichat dungjui'a apeh nading'a phalna: Nehemiah injong lengpa heng'a Forest Commissioner pa pehdng'a lekha akisutsah in thing angaichat ho jouse ahin thah peh nading'a.

4. Nehemiah in akisuse Jerusalem khopi avelhah(inspect) in ahi:Amun alhun chun amasan Nehemiah in hoitah in asesa Jerusalem khopi chu vetlhah na anei'in ahi.

5. Phung dungjui in Nehemiah in atoh diu aseipeh'e:Natoh machal nading le ahoi nading in Nehemiah in aphung dungjui in natoh apen ahi.

6. Nehemiah in kivaipoh hoi nading'a lakai alhen doh:Lamkai aumlouleh chatvaina aum ding jeh in Nehemiah injong amaholah'a lamkai alhendoh in ahi.

Eti Plan ebol diu ham?

1. Ijo thei/Imolso thei dingho plan ding:planning ibol phatleh imolso thei ding ho hi ibol leh aphai.ijolou ding plan inei sang in ijokham plan ikisem leh akimolso joi.

2. Plan ibol phatle akhoh/angaicha ten ho bol ding:Atam jon idei ho chan nading in akiboi



in,ngaichat sang'in ithil dei ho suhbulhit nading in akiboiji'e.

3. Pathen in eiho'a dia plan anei soh e(jer 29:11): Billy Graham in Pathen ka plan semho hi phatthei eiboh in lang eiguilhun sah in ti sang'in pathen keiding'a plan nasem hohi neimu sah'in.

4. Plan kistem jouse aguilhun sah hi pathen ahi(heb11:32-34)

Conclusion:Kumthah emu uthoh kilhon in pathen geldoh pum'in plan kistem uhitin,inei egou hohi pathen lungdei nalam le ahina-bang a mangcha leohen pathen hao'na chu ichan be diu ahi.

# TAONA HI PATHEN TOH KIHOUMATNA AHI.

*Lhingbem Haokip  
Women Secretary, KBC.*

## **Heb.4:14-16**

Phat masan Kumthah lhathah galkai theija ium'uva adeh a KBC Nute An-ngol taona Program second Friday of March 2016 (12/3/16) nikho Program te ho gongthei le mangkhom thei dinga damna phatpha imu thei jallun phatpha le damna eipeovah hatchungnung Pathen thangvah in um jing taken. 2016 1st March hi KBC kivaihopna dungjuija Secretary ho kikhut khelna nikho ahitan, hiti ahijeh chun hiche lekha thot hi keidinga lekhatot nunungpen ahitan, hijeh chun muntin gamtin, Houbung tina Nute ho jouse kangailutnao le kavailahnao Salam kahin peove.

2010 1<sup>st</sup> March a kipat 2016 February kumsunga itoh khomnaova hin ken jong nom kasan, KBC Nute ho jong lungkhat tah in ipang khomun nasatah in natoh imachal lheh jenguvin hijeh chun nachung cheh'uva kipathu kahin phonge.

Nute hi taona toh ipan khomuva satan gal isat'u angaije.

### **1. Taona hi Ipi ham ?**

(a) Taona hi Pathen toh kihoumatna ahi ahilouleh taona hi akingailutah mini kihoumatna ahi, hichu Pathen leMihem ahi. Mihemten Pathen ingailut

masat'u ahi. Pathen toh hot line ineiju angaije. Tulaijin mijousen Phone ineisoh keijun ahi. Phone chu ingailut pen'u iji, icha, igol ipai toh kihoumatnan ineijuve. Hitobanga chu eingailupen'u Pa-

then kom'a kihoumatna ineijing angaije.

(b) Taona hi Pathen a kon'a phatthei channa lampi ahi. Tekahnan phailei ilho tenguleh tui lampi ineijun, tuijin changho ahin chap teng changho chu aga aphan ahoilheh jenge. Hiche tuilampi chu phailei a din phatthei konna ahunghi bangin tahsan chate a dingin Pathen henga taohi phatthei konna ahi (Heb.4:14-16).

2. Taona hi Kon anaphudoh ham ? Taona hi i-Pakai Jesun leiset a alen laija amatah a Pa Pathen henga ana taoji ahi. Apa toh ana kihoumat jinge. Chuti chun aseijuite jong taoje dan ana hil jinge. Tunin tahsan chate jouse jong Pathen toh kilha kang louva itao jing dingu ahi. Ajeh chu Jesun atahsan chaten ajui dinga vetsahna a anabol ahi.

### 3. Koiho chu taoding ham ?

(a) Christa tahsan chate jouse taoding ahi.

(b) Jesu Christa thahatna heho jouse taoding ahi.

(c) Pathen henga lung thengsel a taoding ahi.

(d) Atao ding hon ngaidam na lhagao anei dingu ahi

(e) Pathen tahsanna kicheh tah a nei angaije.

### 4. Ipi dinga itao dingu ham ?

(a) Pathen choi-atna dinga

(b) Ajeh chu pa thupeh ahi

(c) Pathen toh kihoumatna ahi

(d) Pathen toh kiloikhomna ahi

(e) Pakai Jesun atahsan chate vetjui dinga abol ahi.

(f) Lhagao hinkho khantouna ding ahi.

### 5. Iti itao dingu ham ?

(a) Amasapen'a Pathen choi-atna thangvahna le jana ipeh masat dingu ahi.

(b) Anina a chonset phondohna aneiseh le aphabetseh a nei angaije

(c) Athumna a kipat thuseina, hinkhoa aniseh aphabetseh'a tahsa le lhagao hinkhoa phatthei ichanna ho kipathu seiding ahi.

(d) Achaina a eiman ingai leh ithum nom jouse Pathen kom'a thumding ahi. Ajeh chu i-Pathen uhi ngailut Pathen ahin, achate dinga hongphal tah le pehdinga kigo jing ahi.

Jeremiah 33:3 "Neihin kouvin keiman na donbut ingting, nangin na hetkhahlou hel thil nasatah kiselguh chu nasei peh inge".

Van le leist sempa eiho jouse jong eisempa Pathenin Jeremiah songkul a aumpet'a Israel nam mite soh a aumnauva kon'a lhatdoh a aumna dinguva, chuleh Israel nam mite kiledoh sah kit ding ahiuve ti aseina ahi. Pathen amatah in neihin kou uvin, keiman kadonbut ding nahi ati hi kipa le thanop um hitam ? Lasempa JMC Granahan in Nalunggel lungkhamna jouse seplhan aman nakhankho ding agel nai ati (Hb.La.No.102).

Psalm 126:5 "Mitlhi longpumpum'a Muchi tuten kipah thanomin aga kilouhen, Akap pum puma muchi tuding poa vaikon chu achangphal kipoh in kipah thanomin inlam hinjon hen. Tunin eihon An-ngol pum'a mitlhi tui isen'u hin Pathen angunga gimnam tui banga lhungding ahi ati ahi. Mitlhi hi thisan ahi, thisan hi mihemte hinna ahi. Ihinna sukha leova itao tenguleh Pathenin eisan peh tei dingu ahi.

I Sam.1:12-18 sung ivet leh Hannah taona thusim akimui. Hannah jonghi Pakai angunga ahinkho pumpia anatao tao jing phat in Pathenin ataona asanpeh in chapa anapen, Hannah in achapa chu Pathen anape kit in ahi.

Pathen henga mitlhi long puma lunglut tah'a taona hin ga asodoh tei teije. Hannah taona jong suhmil in aumpoi. Ajumna le ajachatna, alhasetna jouse a konin kipana le thanop lungmonna anei jin, akipana chu Pathen choiat nan amangin ahi. Hiti chun Samuel chu ahinkhon Pathen na anatonge.

Matt.18:19 na a atahbeh a kaseipeh nahiue, leiset chungga hin nalah'uva mini lung kitoh tah a thil thum neija ataoa ahileh van'a

um kapan abulhit peh dingu ahi iti eiho tahsan chate ho hin eisempao Pathen toh kihoumatna ineijinguva ahileh aman eiho ding ageljing ding ahi. Ithum jouse pedingleh bulhit peh dinga kigosa umjing ahi.

Pakaija ngailut umtah tahsan chate ho jouse a angol pum'a taona iman uhin iji, ichate, ikho iveng, i-houbungle igamsung, i-Covention chuleh vannoiija atahsan chate jouse dinga na lentah atohdoh ding ahi. Achainan taona thudol thusim chomcha sei uhite. Sepai khat hi anun jingkah pung ko (9:00 am) seh leh ataopeh jing ahin, nikhat hi gal mun a agolpa akisukhatan, gahuhdoh ding atile meichanglah a ache ngam tapon, hijeh chun pungko (9:00 am) angah in, anun ataopeh phat alhin phat in meichanglah a achelut in aloipa agahuhdoh tan ahi. Taona hin meichanglah a kon jengin jong ahuhdoh'e. Itobang boina nei u jongleu hen, itao pou pouva ahile Pathenin eipanhu teidingu ahi. Ajeh chu amatah in nei hin kouvin kadonbut dindg nahi ati. Mathew lam a Pakai jesu nataova ahile kapan nabalhit peh dingu ahi ti photchetna eimusah'u ahitai. Pathen henga tao hi Pathen toh kihoumatna le thahat tah ahi.

# Mina Som Thulem hi ipi kiseina ham?

Jesu Christa in Mina Som thulem hi Luke 19:11 – 27 mangchan Pathen Lenggam leiset'a ahunglhun ding thu hilnan amang'e. Hiche thulem kiseina mun le phat hi ivetleh, Jesu Christa Jerusalem agavil achaina lam ahitai. Mipi lah'a atam jon Jesu Christa Jerusalem'a achehi Leiset'a alenggam phutdoh dinga che ahi tin anasang uve. (ahimonga, Luke 18:33 sunga kimu bangin, Athi dinga Jerusalem jonna chejoh ahi.) Jesu Christa'in Pathen lenggam alhungtai tia mi tamtah'in kinepna ahilouleh tahsanna anei houhi suhmangna dinga hiche thulem hi amanchah ahi.

Thulem ahin, mipha tah khat hi, leng chang dingin gamdang jon in apotdoh e. Achedoh masang hin, Mina som alan asoh/anatong misom hohi ape'in ahi (Luke 19:12 - 13). Mina khat hi asum sim seidingin tamtah chu ahi (chulai phat dinga lhathum nikho tha jat ahi), chuleh Leng dinga kigotna neipan hitin aseije, "kahung kinungle kah sen .....hiche sum hi na anatoh sah uvin" (chang 13).

Ahinlah, hiche Pa miho hin "hotbolna" anei jeh uchun, thuthotna anei uvin aleng hina jong hetpehna aneipouve tin aseijuve (Luke 19:14). A pakai pau leng'a atun jou phat uchun, achenna gamlam'a ahung kiletai chuleh, sukhel jouse suhtohna nei dingin akipantai. Amasatah'in, mina/sum veikan dinga kipe soh-som hochu akouvin ahi. Amahon jong khat khat'in asum cheh chungga veikanna aneiju thusim aseitauvin ahi. Soh masapan jong mina khat kipehna chungga mina som alodan aseije. Lengpa jong

alung alhai l'heh'e, hichun aman ajah'a, "Nabol aphai, soh pha; nangma themcha khat chungga tahsan naum jeh chun kho som chungga vaipon pangin " ati (chang 17). Abanna sohpa jong chun mina khat'a kon mina nga aveikan in ahi, chuleh hiche sohpa jong chu kho-nga chungga vaipon apansah e (chang 18, 19).

Chujou chun, ul-theh pon'a sumchun soh-pa chu ahunggin, sum'a chu imacha abolou dan thu ahungpe tan ahi (Luke 19:20). Ama kigeldan chu : "Nangma mikhel nahin, nakoi-

na lou pouvah naladoh jin, natuna lou pouvah na-at jin ahile, nang kakichan ahi," ati (chang 21). Lengpan jong hiche sohpa akonna mikhel ahidan thu ajah doh chun, amanjong kheltah'in adohbut'in, "soh gilou" tin akouvin chuleh, mina chu alahpeh'un mina som neipa chu apetauve (chang 22, 24). Chuin akom'a dingho phabep chun aseiju ve, "Pakai aman mina som anei nai," atiuve. Chuleh Lengpan adonbut'e hitin, "Najah uva kasei ahi, aneichan a chu kipe ding ahi; aneilou vang chu anei chasun jong chu ama'a kona kilah mangpeh ding ahi," (chang 25, 26).

Achaina keijin, Lengpan achunguva kavaipoh ding nomlou ho, eimel mah ho vang hi hiko-ma hin puiyun, ka-ang sunga that'un, tin aseije (Luke 19:27).

Hiche thulem ahin, Jesu Christa'in kum sang khat sunga Pakai lenggam umding dan (Millennial Kingdom) chuleh aphot hunglung dingdan thudol'a thuhil anejin ahi. Luke 19:11 in akonom chu ahileh, Jesu Christa in aseidoh nopen chu hiche Lenggam hi moh umjeng thei thil ahipoi tihi ahi. Pakai Lenggam kiphudoh/umasanga chu Lengpa umlou naphat jong hi umding ahi tin amusah nom ahi.

Thulem'a kimu mipa pa hi Jesu Christa, hilai leiset dalhah'a nikho khat leh Leng hina'a hungkit ding pa chu ahi. Lengpan asohte natoh thudol'a thudohna aneiho hi Jesu nungjui ho ahiuve. Pakaijin eiho jouse thupeh mantam tah eipeuve, chuleh eihon kitahna neitah'a ahung kile kitkahse'a na itoh diu ahi. Ahung kile teng lehin, Jesun amite ichangei'a kitahnam tia anatoh'u akholdoh ding ahi (Romans 14:10 -12). Natoh hohi aphatcha'a tohchaija koiding ahi (John 9:4), chuleh Pathen'in ama loupina dinga mopohna/tohding eipeh houhi imanchah jingu angaije. Atoh ding kipe'a tongho dinga chu kitepna kipaman aume.

### **Thuchaina:**

Sopi deitah te, chungu mina som thulem hin tunia nang le keidinga seipeh nom tamtah aneije. Pakaijin ama nungjui khat hina'a mopohna eipeh hohi natoh jing hinam? Ama ahung teng chule natoh molsoho banga kipah le thanom tah'a thusim seiding nanei hinam? Aumlouleh, phat aum nalaije, sun ahipet cha'a eisolpa na tohding hivehta, koiman na atoh theilouna jan hunglung ding hita hi kiti banga, nangle keijong ilhahsamna'a konna

kithahpat kit hitin kihah bolding ngaito hite, chutilouleh, Pathen lenggam ichan ding ahi. Hiche thulem simdoh hojouse Pathen in phatthei naboh jing tauhen, Amen.

# NU LE PANGAILUT NA THUSIM CHOMCHA

*Gl. Paotinchon Singson*  
C/C Tuibuong KBC No.8



Masanglai peh achun theithup phung lenpitah nasatah khat ana umin ahi.

Hiche kimvel lah chun pasal chapang neocha khat hi niseh in thanom tah le kipah tah in akichem jin, aphunga chun akal jin, alehlam gei akaldoh jin ahi. Theiga hochu anejin chuteng aliim noiya chun akichol jin a-ihmu jin ahi.

Chuche thingphung chu angailu mama in, thingphung jongchun chapangpa chu kichep khompi ji din angailu lheh jengin ahi. Phat le nikho ahung chal jingin, chapangpa jong ahung khanglen tan, niseh a thingphung noiya kichep jong ahai dom dom tan ahi.

Nikhat hi chapangpa chu thase thimtah in theithup phung koma chun agache in ahile thingphung chun kipah tah in, "hungo kichem kit tahite" tia analem le amapan jong, "kei chapang ka-hitapoi, kei hilai hin kichem taponge" tin adonbut tan ahi. Chun

thingphung chu kiphalam tah in aumin athip beh tan ahi. Chapang pan aseijapbe in, "Kichepna ding gari lim ho kadeijin, sum kangaicha e" tia aseile thingphung injong alungset mama jengin, "Nei ngaidam in o, sum kaneipoi ahinla ka-ga theithup hohi nakilo a nakijoh thei ahi. Chuteng sum nanei ding, nadei nangai nakichoh theiding ahitai" tin ahin donbut in ahi.

Chapangpa jong athanom in sum mukal chu angahleh l'eh jenge. Chun thei hochu aloulha soh in kipahtah in adalha kit tan ahi. Thei alolhah a adalhah kal akile kit tapon, theiphung injong thomhao tah in hinkho amang jingtah ahi. Phat ana chal jing tolhon in, chapangpa jong mipa anahitan ahi.

Nikhat amajong thingphung koma achekit tan ahile thingphung chu akipah mama jengin, seiding helou khop hel'in kipana mitlhi anasoh hel in ahi. Chun thingphung in, "Hungin kichem khom kit tahite, phat sotpi

nang louva hinkho kaman a lungmongmo tah a kana um, tuni namel kamu hi kakipah l'eh e" tin banjal in anasang in ahile mipa chun, "Eini kichep khom din phat kaneipoi. Kaji ka-

cha khankho ding ngaito a kahi. Chenna ding inn kakisah nome nei kithopi thei ding ham?" tin donbutna le kithopina athum in ahi. Hitia akamcheng ajah chun alungset l'eh jengin, hinla kithopi nathei ding ima aneilou jeh chun, "Nei ngaidam in o, inn kaneipoi ahinla ka-bah hohi naki-at a inn nakisah thei ahi" tin adonbut tan ahi. Mipa jong chun thingbah jouse atanlha in kipah tah in adalha kit tan ahi.

Thingphung in mipa kipa dan-chu amuchun alung alhai in akipaval jehchun mitlhin abom jengin ahi. Ahin hiche mipa chu ahung kile kit tapon, thingphung jong thomhao tah in hinkho amang kit tan ahi. Phat sottah jouvin hiche mipa chu nipi laitah hin theithup phung kom ahin jon kittan ahile thingphung chu kipanan adim hel kit tan ahi. Chun theiphung chun, "Hungo kichem kit tahite" tia kipah tah a aseile mipa chun, "Kateh tai. Konga kitol'a kaga kihuilha nomin kaki choldo nome. Kong neipehthei dingham?" tin donbutna le thumna aneikit tan ahi.

Hiche aseijapbe chun thingphung jong kiphatlam nan adim in, ajehchu pehding ima aneilou jeh chun, "Ka-kungbul hi mang inlang kong kisuinan mangtan.

Chutile kipahtah a gamla naitol theiding ahi" tin adonbut tan ahi. Hichun mipan jong kong suina dingin thingbul chu aphuhlhu pai ngal in, phat sotpi amel kimusah louvin aum kit tan ahi. Kum ijat ham jouvin mipa chu ahung kile kit bep in, ahinla theithup bul chun, "Nei ngaidam in o, nanga din ima kaneijou tapoi, lhaset nan sang lou jenin o.

Theithup jengjong aum tapoi" tin ngui heuchan ahin seijin ahi. Chun amapan jong, "Akhohpoi, ape nading haa jong kanei tapoi" tin adonbut e. Thingbul chun, "Phung jong, bah jong nakal nading kanei tapoi, lhase hih in o" tin ahin seibe'n ahile amapan jong, "Tun kateh val tai thingphung kalna din" tin ahin donbut in ahi. Chun thing chun mitlhi pumin, "Tunvang ima him him kanei tapoi, aum sun sun ka-jung athi ding koncha seh seh hi ahitai" tin akap in ahi.

Amapan jong, "Ima kangaicha tapoi. Kum hijat nungin kakhop in kakichol nom tai" tia adonbut le thing chun, "Apha lseh e. Thingjung tehse tah hohi kingaina le kicholdo nadinga phapen ahitai. Kakoma hung-tou inlang hung kichol tan" tin adonbut in ahile amapa jong

atau lhan ahile thing chu kipah tah in mitlhi pumin a maeseu jengin ahi.

Hiche hi mijouse thusim ahin, thingphung hi inu le ipa toh tekah ahi. I sen itoi lai uvin inu ipa toh ikidai nomin ikichem khom nom in ahi.

lhung khanlet tengleu ihin haimil jiuvin, idei ingaichat u ahiloule hahsat genthei ito nikho teng lebou ibel jitao vin ahi. Ahin inu le ipa chu ikoma aum jing lhon in, ikipa nadin ingaichat eipe jing uve.

Hiche chapangpa chu lungsetna neilou khoto na neilou va nagel maithei ahi. Ahinla eiho jouse ihivun, nu le pa ichan geija ingaikhoh uham hetdoh thei ahitai. Imajouse phalpeh sa in igel un, eiho dia athilbol jouseu ihet thempeh jipouvin, phat geisang lseh tajongle ihet thempeh ji hihlai uvin ahi.

JILDOTHETI: Nanu le napa jabol in. Athil nei u atouna sa namit a namu teng apoimo nao le adin mun u itobang ahi nahet them nadin lungset le ngailut na nei-jin kikan gom un. Nu le pa lungsetna hi ihepha jipouve.

Asim jouse Pathenin phatthei naboh henlang, machalnan hin nei tan. Kakipah'e.



# MISSION COLUMN **Report**

*Amasan KBC Houbung mithengte jouse kangailutnao le kajanao I Pakaiyu Jesu minin Chibai kahinpeuve.*

*Achesa 2012-Feb. 2016 term-a dinga mopohna lentah neipeh-utoh lhon-a achaina chan tongtheija kaumjeh in Pathen kathangvah in, nangho taona jalleh kithopina jalla tonglhum thei kahi ti kahen nangho jouse chungu kipathu seijoulou kahinphonge. Mission Secretary kahina-a report kapehna achaina jong himaitantin, kamopohna sunga seikhel bolkhel chule Mission natoh amachal na ding banga kapohjoulouna jong tampi aum-e ti kahen ngaidam kahinthum-e. Mission Natoh hi KBC in jong Pathen thu dungjuija natoh lenpen ahi ti lamkai masaho einaseipeh uva Mission Field Meilhei, Nepali lah-a inahonpon uva hitia hi tunichan-a lhahsamna tampi umjongleh imasotjing theiyu kangaito leh kipa um kasan, maban-a hinpodong Secretary hojong itaopeh uva chule cooperation ipeh uva KBC hi vannoi gamtin-a muthim gam salvahna dinga Pathen manchah phatah ihijingna diuvin kahintem cheh uve. Achesa Pakai Kum 2015 sunga itohnahou le machalna ineihou phabep kahintah langnom-e:*

## 1. MANIPUR FIELD:

Manipur gam-a ichenkhompui Meilhei, Nepali, Muslim, Hindi pao thoho lah-a itohnao hi phat ahungsoth thimtan, ilunggellun amachallou chule aphachom lou tobanga igelnao kom jong aumdapon ahi. Ahin Pathen lungset in missionary ho leh evangelist ho natoh report ivetji tengleh kumseh in lhagao mangding tampin Jesu Christa huhhingna akisan theiju akimujingin, Pathen in vannoi pumpi sanga lhagao khat aman lutjoh dan aseih i geltengleh itaonao le ithilpeh uhi Pakaijah moh ahipoi ti iheuvin Pathen ithangvah uve.

1) Meitei Field: 2015 sunga Meilhei Field Pathen hinhou jat hi mihing 110 alhingin tahsanna baptized chang hi mihing 52 aphan ahi. Houbung thah Urban Baptist Fellowship, Thangmeiband eiho field-a akiben, February 2016 a patna Ukhongsang, Thoubal Maphou Houbung in anaboipi jong eiho field-a lahlutna umding ahitai.

2) Nepali Field: 2015 sungin Manipur Nepali Field a atahsanthah 42 akiben, mi 26 tahsanin Baptized achangin ahi. Leplen le akimvella Nepali ho lah-a Nepali Field station thah khat akihongdoh in Evan. Kamal Tamang akisol in ahi. Leplen Haosapun Church le Quarter sahna dinga apehna gam-a Mission Board toh Gambih No. 2 Executive ho pan lahna in Missionary Quarter akisan, February sunga thensothei ding dinmunin sahchai tobang ahitai.

Gambih No. 2 hon agamsunga Field kihondohna dinga hin achungkhu ding CGI Sheet tilou adangse hi amaho contribution a kisadoh ahijallin achunguva kipathu seijoulou akiphonge. Lamchoh Immanuel Baptist Church Building thah khat 2015 sungin lamdoh in aumin December in thensona akineiyin ahi.

3) Hindi Field: Moreh khopi-a Hindi Baptist Church tahsan thah akibejingga, Tamu gam-a jong Rev. Mohanlal in hatah in Pathen thu alhangsam jingin 2015 sungin mi 28 in huhhingna aneyun, tahsanna baptized chang mi 12 alhingin ahi.

4) Kuki Area: General Evangelistho Houbung ho-a camp abolnaova konna report kimudungjuijin mi 394 in pentahna aneyun ahi. Camp Crusade kibolna atamin 2015 sungin 91 vei akibollin, Evangelist hon jong mun phabep-a asimlou kom-u aumjin, kumseh-a camp kibolnaho-a pengthah hi reportna kipe sanga sangjo dingin tahsan aume.

II. ARUNACHAL FIELD: Arunachal Field a hi gelsangin amachal in, Houbung ni jong phudoh in aumtan, plot khat jong 2015 sungin KBC Centre Church, Langol te kithopina jallin chohdoh in aumin ahi. 2015 sunga atahsan thah baptised kiboljat ahileh 56 alhingin hicheho jouse hi Pastor Nabin eiho missionary pa khutna baptized chang ahiuve. Baptized changho lah-a hin Houbung chom-a Pastor Nabin invite aboluva baptize aboljong phabep aume. Achesa 2014 a patna hinkisapan

Youth Hostel chu Pathen in damna eipeh uleh 2016 a patna run kibolthei dingin tohgon akineiyin ahi.

III)SIKKIM FIELD: Sikkim Field a atahsan thah 11 akiben, local evangelist khat jong Feburary 1, 2016 a patna goipat dingin appoint akibolpai.

IV. NEPAL FIELD: Nepal Field hi Silver Jubilee akimanjouvin station thah akihongin Jhapa gamtoh kimat District ho-a akilutpan in, tuhin Panchthar gam-a Missionary Lunminthang leh a family in atonguvin Rev. D. Singson jong tukum-a patna hiche station thah a hi lutding, local evangelist khat appoint anakibolpa toh Church planting apatdiu ahitai.

V. SOUTH EAST ASIA FIELD:

1) 2015 sungin Mission Co-Ordinator dingin Mr. S. Letminthang Haokip, B.Sc., B.D; akilan, Pathen in damna eipeh uleh February 14, 16 nilhahleh KBC Centre Church, New Lambulane munna Commissioning Service bolpeh-a Feb. 15 nileh China gam ajotdingin tohgon akineitan ahi.

Myanmar Bapist Convention toh KBC in MoU October 4, 2015 Bethel Baptist Church, Tamu munna akineitan, akibolni kho-a konna kum 3 hi partnership a Myanmar gamsunga itohkhom diu ahitai. Tumasanga KCBA toh itohnao jong itohjom jingdiu ahin, ahin MBC toh tohkhomna hi official tah-a Myanmar

gamsunga eiho tahjong missionary a ichetheidiuva hiche tohgon hi ki-neihi. South East gam hi eiho lam-a dinga Myanmar kinaipen, chuleh SEA gam adangho kijotmatna jong ahin, khonung tengleh Moreh a konna Thailand-Myanmar boarder Maesot Bus/Train lampi ihinneiyuva bailamtah-a ichenatheidiu lampi hung hiding ahi.

Cambodia leh Lao gam-a missionary a isoldohhou eiho General Secretary, Rev. Ngamjapao Haokip lamkaina in Pu S. Athang, Mission Board Vice Chairman toh keima jaona in achesa August 18- 7th September 2015 sungin vilna agakineiyin training sung tobang ahinahlaijeh in organization chomchom toh akitongkhomin seiphat achangcheh uvin, atohnao lunglhai aumlleh in ahi. Tua patna hi koitobang Cambodia le Lao gam-a kholjin nomhon amaho guide na noija igaviltheiyu ahitai.

Missionary ho natoh apipen chu ahileh school a attached hiuva hiche a kon-a chapangho lah-a Gospel present aboljiu ahi. Hiche School hohi Church ministry toh kikopcheh ahijeh in amaho jong hatah-a Church ministry a hi pan alah-u ahi.

VI. ELIJAH TAONA MOUL: EPM hi Mission Project lenkhatna aumtoh lhonin amunna chengden theiding Caretaker khat ngaichat ahitoh lhonin Mr. Paolam Kipgen (M. Div.) hi February 1, 2015 a patna atohpat dingin appoint akiboltai. Mipi hetthem dinga temna nom chu ahileh Bible Degree nei phabep

injong apply ahinboljeh in Mission Board in anakigel khomin Bible degree neiho appoint akibolkhah le Chaplain toh kopsah dinga pha akisah to lhonin tua appoint kibol Mr. Paolam hi Caretaker seh hilouva Chaplain toh akopding ahitan, tua patna Evangelist title joh-a ikoudiuvin jong ikitem uve. Tumasanga Caretaker a anapang Evan. Jamthang hi ama posting munding akicheh kah-a Evan. Paolam toh EPM munna atohkhom lhon ding ahin, Program neinomhon anini-a contact iboltheiyu ahi.

VII. 2015 SUNGA EVANGELIST/MISSIONARY KIGOIBEHO:

- i) Mr. Letminthang Haokip, (B. Sc.; B.D.) Chassad Avenue, (Co-ordinator, South East Asia), Missionary to China
- ii) Mr. Paolam Kipgen (M. Div.), Bethany, KBC No. 4, Chaplain cum Caretaker, EPM
- iii) Mr. B. Kamal Tamang Singher, (B.Th.), Anugraha Baptist Church, Songjang; Missionary to Lepel Nepal
- iv) Mr. Oinam Ranjit Khuman, B.Th. Thangmeiband, Pastor incharge, Urban Baptist Fellowship, Thangmeiband.
- v) Mr. David Limboo, Dentam, Local Evangelist in West Sikkim
- vi) Mr. Pramisor Meitei, Ukhongsang Nongpok Sekmai, Pastor Incharge, Ukhongsang Meitei Baptist Fellowship.

# MISSION WEEK

March 1-6, 2016

Pakai lenggam kehletna dinga kumseh-a iman jingu Mission Week hi March 1-6, 2016 a imandiuvin Events Calendar a jong ikoiyun, Mizoram a BCM te hihen adang danghon Mission Week hilouva Lha-a amanjiu ahin, eihon hapta khat sehseh kikoijong amanglou Houbung tampi iumjiuvin, 2016 a patna igelkhohcheh uva phatetaha imancheh diuvin Pakai minin ikitem masauve. Hiche Mission Week hi sum le pai jeh maimaija kimang ahipon, Pathen in eingansenao aletdan kihilna phat, eima dinmun kikholna phat, missionary ho dinga taona phat leh thilpeh phatna imandiu ahi akidoi pipen chu ahi. Kumlunga a Mission natoh imachaltheina diuva Assembly hung kichaijou March 1st Week a hi hung kigong ahin, hoitah-a inamancheh diuvin Pakai minin ikitem uve. Mission Week sunga kimanchah dingdan phabep anoija hin kahintah lange:

1. **Mission Week Thupi:** "Hinna Thu chu Domsang (Phil. 2: )
2. **Mission Week Sunga Kaikhom:** Mission Week sunga kaikhomna ho jouse Mission Kaikhomna a neiding; Mission Board/Board of Deacon hon program agonuva nilhahseh leh kaikhomna ineidiuvin ikitem uve.
3. **Mission Week Speakers:** Mission Week sunga alhangpia Mission Board/Board of Deacon hon speaker ding agontup dingu; Guest Speaker jong akouthaidiu; Houbung phabep-a Gambih le Centre Church toh kihoumatna dungjuija Office lam-a konna jong speakers, adeh-a Secretaryho toh Evangelistho le Mission Board memberho hung kisolding ahi.
4. **Faith Promise:** Mission Sunday nikholeh Tahsan Kitepna bollou laihon iboldiuvin apha. Ajeh chu Mision natoh machalna dinghi Tahsan Kitepna a hatah-a kingam ahin, Tahsan Kitepna Card sample dei aumleh office a copy khat ikilahtheyiu ahi.
5. **Mission Envelope:** KBC kivaihopna a hi Mission Board tilouvin Department hon Envelope aboltah lou ding kiti ahitoh Ihonin kumseh in Mission Envelope mantamtah in akitat jingin hiche **Printed Mission Envelope** hohi Houbung jouse-a hung kithot ding ahin, Sunday nikholeh kaikhom masanga hopdoh-a nilhah lamleh laikhom a bolthei chutilouva jong Mission Week sunga hopdoh-a Sunday nikho leh Offering phatleh laikhom-a bolthei ahi. Envelope hi

ijat phading ham tihi akihetthem jilou jeh in ahung kithot hohi lhom maithei tam maithei ahijeh in, alhom-a ahileh Mission lamkaihon Bazar a envelope ichohbe uva imanchah diuvin ikitem uvin, atambahseh aumkxah leh ihopvalhou kum kit leh mankitthei dinga kituptah-a office a ithah kitdiuvin ikitem uve. Akithotdoh jat ho leh ahung lut kitjat hi record akikoijin hiche-a hi lamkaihon jong mipi kom-a hoitah-a ihilchen uva ihopdiuvin jong ikitem uve. Lamkaiho kom-a temna nom chu ahileh Envelope ihopdoh hou list le miho kipehna sum le paiho iji-hlutna diuvin chart khat ahung kipen envelope sumho ilahdoh uva amin-utoh apehjat-u ijih uva office a ithah diuvin Pakai minin ikitem uve.

**6. Taona Items:** Mission Week sunga Missionary ho; Field ineihou leh project ineihouva dinga

taona imandiuvin ikitem uve. Missionary ho poster jong hung kihom ding ahi, hiche poster a hi missionary lim, umna ho hung kikoiding ahi. Taona Itemho detail in lekhatot hung kineiding ahi.

Tukum Mission Week hi kumdang sanga phajo hoijo-a bolcheh dingin ikitem uve. Missionary natoh masotna aumjing nadinga pan hatah-a ilah uva, Mission natoh machalna ding hihen isoldoh hou lolhinna ding hijongleh eiho taona le thilpeh-a kingam ahi tihi sumillouva pan ilahdiuvin ikitem uve.

Pathen in KBC Houbung mithengte ho jouse alenggam kehletna dingin eimangcha jingtaohen.

Pathen le mipi Lhacha,  
Rev. Dr. Paotinthang Chongloi,  
Mission Secretary, KBC

## MEN DEPARTMENT **KALSONNA**

Rev. Thangsatsat Kipgen

Tuchung hi keija dinga Men Department Secretary hi na a Report le lunggel kasei na hi Convention kivaihomna a achaina hung hi ding ahitan, langkhat a igelleh lungghel aumin ahinla nalui pulla nathah dondoh ding kiti bangin, lung gel thah le Pate a dinga khantou na dingle machal na ding tampi hung lut ding ahin kipa um kasa lleh jengin ahi.

Men Department kiloi khomna a kumni kahin poh na sungin

2014-2015 kalson na kineiho chomkim tah in report kahin pei:2014 kummin Gambih 4 lang Men Work Committee tour akichen chule Pate machal na ding thua ana kal songin, Pate aihmu sukhah a tousah ding, atouho dinsah ding,adingho chesah ding,lhaisah ding Pate hi moh umthei ihipouve ti hatah in akilhangsap min, Centenary kiman ding to kilhonnin Kuki Baptist Centenary thangkou na in Marathon conduct akibollin Pate mi 149 in pan ahung laovin Saparmaina KBC Centre Church a konin Kangpokpi KBC Centre Church gei lhaisao kitet na anakibollin Manipur tilou vin India gamsunga ana kithangin, hiche a kon chun Pate ijat ham khat in kitho nan ahin neijun kipa aumlheh jengin, Centenary nikho sungin kipaman Cash leh certificate ana kihom doh in ahi. 2015 Kumin January in Men Dept. Assembly Saijanga akibollin Pate 50 kal hung panglou dinga ana kingaito chu mi 120 akikikhom doh in kumlhun kiman chah na ding thu akisei khommin: Vehicle Project nei ding kiti to lhonnin Pate ho le Houbung miho hapan najallin Oct.30,2015 in anakilam doh in natoh tampi akitong doh pan tan ahi. Gambih 8 vella Men Work Committee tour akichen

chule Gambih 3 ma seminar/ Leadership Training chule Free medical camp akibol peh in ahi. Pate nikho le KBC Pate hung kiphudoh nikho jong man na akinei jin chule KBC Pate a dinga gou Souvenir Pate hung kiphudoh a kona thusim 2015 chan lamkai ho le na kitong ho akijih in chule Vehicle lamdoh a aumthei na dingin jat chom chommin sumle pai akihollin ahi. Pate ho hi tahsa le Lhagao ani kop toa akhan thei na dingin tulai a mitamtah lung kitho thei na chu Sports ahin, 2015 December in Gospel Olympic le 35 Men Department Annual Assembly chu kipah tah le thanom tah in Molnom Baptist Church KBC Gambih No.16 a akimang khommin, Tahsa lam le Lhagao lammin kisuh hal na nom tah in akimang khommin ahi. Pate Mission natoh na a Missionary ho Sikkim,Assam, le Manipur a kon amaho thum ma konin Field Report le Pathen thua thusei na anei jun ahi. KBC sunga alam lama lamkai Nupi phabep in Pate hitobanga kiloi khomna a kipa najallin tilkhon na thu ahung seijun, Govt, vaipo ho leh gamsunga lamkai hon jong tilkhon na thu ahung seijun ahi. 35 Men Department Assembly a 2016 kum sunga kigong ho chu: 2016 Pate nikho a dingin

thupi: "Thouvin nache na ding saotah aumnalaje" I Kgs.19:7 hi Assembly kiphatsahna akinei to Ihonin Secretary in Sermon May Issue a KBC Thuso a ahin jaosah ding, hiche topic hi Pate nikho a Houbung mite ho jousen mansoh kei ding ahi.

**PMF Thu:**

(i) KBC Men Department lamkai masa hon Pate Mission natohna dinga PMF ana pohdoh uva tuni chan geija machalna aum jing jeh a PMF hi angaija umjing dingin pha akisai.

(ii) KBC Pate Mission natoh machalna dinga PMF seh seh in cover abol jou tahlou jeh in Men Department Mission Fund kinei hen tin pha akisan, hiche fund peh ding dan hi vetsahna noija hin akineije..

Gambih dungjuijin gontohna akinei.

1. Group (A) Gambih No. 1,2,4,8,16 amaho Group in kumma Rs. 3, 500/- cheh apeh diu.

2. Group (B) Gambih No. 3,7,12,15,19 amaho hin kumma Rs. 3, 000/- cheh apeh diu

3. Group (C) Gambih No. 5,6,9,11,14,17 amaho hin kumma Rs. 2, 000/- cheh apeh diu.

4. Group (D) Gambih No. 10,13,18,20 amaho hin kumma Rs. 1, 000/- cheh apeh diu.

**Bat le Tham Thu:** Tuchanna Of-

fice langa peh dinga lom peh bangkhai neiho jousen June 2016 masanga akisuh chet diuvin hetsah na akineije.

**Vehicle Thu:** 2015 Men Department Saijang Assembly a Men Department natoh machalna dinga Vehicle choh ding tia kiphatsahna ana kinei chu sumle pai hatah a akihol vanga cash payment a choh ding thu Committee a akipodoh in ahile, ipi hijongle chohna thei theija ngaito ding tia kiphatsahna aumtah jeh in LOAN na dingin IOB approach akibolin Rs. 3,00,000/- Lakhs Deposit akibolin adangse IOB ten Finance eibol peh un 30 October 2015 nin Dimapur show room'a ana kilan, Gari chu ineitaove, hinla Loan na lhakhat seh a Rs. 10,700/- peh ngaijing ahin, hiche Loan hi sumle pai mutheina aumle gangtah a recover bol thei ahi.

**An-ngol Taona:** Houbung tinna Paten kumkhat a An-ngol Taona neicheh ding tia phat masa laiija ana kisei banga ama ama Houbung cheh in akigon cheh ding, June lha khokhel louva mancheh din pha akisai. Hichea offering ho Office a thah cheh ding.

**Men Work Committee Tour:** Pate kiloikhomna suhatna le

machalbena dinga Men Work Committee ngaichat channa Tour abol diu ahi.

**Assembly Mess Fee:** Assembly Mess Fee thu hi gelkhomna akineijin aluipa sanga Gambih khat a Rs.500/- cheh kalsahbe din pha akisai.

Group (A) Gambih No. 1,2,4,8,16	= Rs. 7, 000/-
Group (B) Gambih No. 3,7,12,15,19	= Rs. 6, 500/-
Group (C) Gambih No. 5,6,9,11,14,17	= Rs. 6, 000/-
Group (D) Gambih No. 10,13,18,20	= Rs. 4, 000/-

**Assembly Mun:** 2016 Assembly mun dinghi gelkhomna akineijin Gambih No.12 sunga Lonpi Khonou hihen tin mipin kitoh tah in phatsahna akineitai.

Kaki pah e. Pathen nin Pate tohdinga kigong ho tohmolso aumna din phatthei eiboh taohen.

## 2016 SUNDAY SCHOOL TEACHERS TRAINING THULHUT (REPORT)

*Pastor Haoneo Haokip, Secretary, Literature & Publication*

2016 kuma dinga KBC Sunday School Teachers Training chu Litan Sareikhong Baptist Church, KBC Gambih No. 2 ah nithum (29 - 31 January, 2016) sungin KBC Houbung ho chung chon in KBA (Nagalang) ho le Manipur a Independent Houbung phabep (Hengbung Houbung le K.C Home Baptist Church) pan na in Resource person ho le Sunday School jilkung, chule Sunday School Superintendent ho mi 400 vel pan na in lolhing tah in ana kimang tan ahi.

Houbung mihon Sunday School ihingel khoh jep jep uto lhon a Training jong ihingel khoh jep jep tah jeh uvin, adeh in Traininga hung kalsong ho jouse chungga kipa thu sangtah in ahung kip-honge. Atumbeh in KBA (Nagaland), Hengbung Houbung le KC Home Houbung ho chungga jong kipa thu sangtah in akiphonge. Training sunga Speaker a eipanpeh u Rev. N Haokip, General Secretary, KBC le Rev. Thangsat Kipgen, Secretary, Men Department, KBC; jingkah Devotion eilamkai peh u Rev. Tongjam Haokip, Rev.



Henjalen Doungel, chule Rev Lalboi Chongloi; Training sunga Resource Person a eipenpeh u Rev. Tongjam Haokip, Rev. Henjalen Doungel, Rev. Paul paolen Haokip, Pastor Haopu Haokip, Pastor Lalboi Haokip, Pastor Onkho Haokip, Pastor Mangcha Tuboi, Pastor Hegin Haokip, Mr Haoneo Baite, Miss Vahhoi Kipgen, Miss Sangi Singsit, Miss Nengboi Haokip, amaho jouse chungu kipa thu sangtah in ahung kiphonge. Kin thenso le Programme lhandoh a eipanpeh u Rev James Jangkholen Haokip, Pastor, KBC No 2 le Training sunga eiumpiu Pu Ngamthang Kipgen, Gambih Chairman, amani chungu jong kipa thu sangtah in ahung kiphonge. Training phatah a eihung vetliah peh jingu Dr. L Haolet, Chairman, Literature & Publication le Training sunga phat phatah a eivop tup peh u Pu Jamsei Haokip, Member, Literature & Publication Committe, amani chungu jong kipa thu sangtah in akiphonge. Adeh in Training eilah peh uva, Training lolhin nadinga sum le pai, lung le tha a Training sunga Registration neh le chah, lupna gena, touna gontoh, chule adanga nasatah a ngailut na neitah le pontho tah a pan eilehpeh u Litan Sareikhong Houbung Head Deacon Pu N. S Baite le atokhom pi Houbung lamkaiho, nupi upa hole nungah gollhang ho jouse chungu kipa thu sangtah in ahung kiphonge.

Itaonao eisanpeh uva imalam jousea lolhin na eipeu Hat Chungnung Pa Pathen Thangvah na ipeuve! Kum kit (2017 Training) tengle tamjo cheh, hoijo cheh le phajo cheh a pan ladinga anakigong cheh dingin Pakai minin ikitemuve. Kumkit Traininga ikimuto kit kah uvin Pathen in damselin eiching jing tauhen.

## DOOR TO DOOR COUNSELING CUM GOSPEL PREACHING

**Theme : Go and Preach the Gospel**

**Speaker : 1. Rev. Amar Rai Noon Pani Area**

**2. Pastor Jeeten Gajmer, Tuilang Area**

**3. Mahan Dev. Ghatani, Pangjang Nepali Baptist Church**

30th November nikhon chungu kipe Pakai lhacha mi 3 hohi Rev. Paosei Haokip in Pangjang B/Church munna Commissioning kingon Gambih level in soldohna ana kineijin ahi.

01/12/15 nikhon Pakai lhacha mi thum chun Pangjang le Twinomjang Gamkai a um Nepali veng hoa Kipana Thupha intinnah ana kalsong uvin ahi. Hiche phat sunga inn kichondoh jat hi agomin Inn 50 val akichot toh lhonin Kipana Thupha akiseipeh'e. Dammo khat Lhacha hon ataopeh uleh adamin ahi, amachu ahileh Mr. Kumar Neopane ahi.

Cottage Meeting hi ninga sungin akibollin ahi.

Pangjang khochaga Nepali B/Ch chu Rev. Paosei Haokip in 6/12/15 nichun Rededication Programme khat Gambih miten ana neijuvin ahi. Hiche Nepali B/Ch in Pakai kum 1986 kum'a Nepali atahsansa ho chu Pu Bhim Bhadur Ghatani analamkai ahi.

Hinla vangset umtah in Bhim Bhadur Ghatani chu Nisim 4th July 2008 nikhon pa henga choldo din anache masatan ahileh tunichanin jat len leh jatneo, sihnei langneinan vai ana homin Lhagao leh tahsan anachao lneh taovin ahi. Hiche Houbung neocha hi tupetna avesui dingin Mr. Mahan Dev. Ghatani le ainsung mite ngansena leh mopohna akineijin ahi. Sah le lhangam Christa a lhatdam chankhompjouse leh lamkai hon Field khatna ahung umdoh theina dingin itaonaovah geldoh jingu hite tia tiemna leh ngehna kahin neije.

Pakaija nalhachao,  
Mr. Lamthang, M/E Board Secretary, KBC No.3.

## KBC GAMBHI NO.16

# CHATE BIBLE CAMP KICHAITA

Achesa January 25-28, 2016 sungin Chahmol B/Church munna Chate mi 343 le jilkung 25 in Chapang Bible Camp lolhingtah in akichai thei tah ahi. Speaker: Pastor Satminlen Khongsai, Pastor C/C Langol, Camp Director: Pu Letkhothang Haokip M.Div, Song Leader: Gl. M.Lalcha Haokip, amaho thum makainan Pathen thu le lan nomtah le haltah in kakimangkhomun, chapang tamtah in Huhingna akimudoh in Pathen chu loupi hen lang, amaho cheng dingin muntinna KBC Houbung miten taonan neihin geldoh jingun. Chuleh Chahmol

Houbung miten nithum sunga sum le pai, tha le jung tapi songa eijen nao chungu kakipah'ugin ahi. Chukit le Convention Nute le Gambih Nute kiloikhom hon sum le pai a eikithopinao jal in jong sangtah in kipathu kahin phonguvin ikiloikhomnao, tua sangin phajo in Pa Pathenin phatthei eiboh jing taohen.

Pu Thanglen Haokip, Chairman, Chssu. KBC No.16.

## WomenReport

1. Lydia Girls Boarding Kithenso ta: January 25, 2016 Monday nin Lydia Girls Boarding Kot hondohna Pu Rev. N.Haokip, General Secretary in thensona aneiijin, Latrine/Bathroom Rev. Thangsath Men Secretary pu thensona aneiijin, Rev. Tunlal Haokip, Youth Secretary in Kitchen/anhonna in athensotan ahi. 2015 sunga Lydia Centre mun Fencing, In compound jouse nasatah a repairing akibol in Pthen lungsetin natoh ho akichai thengtan ahi. Girls Boardinga ding Bed 20, Table 20, Dinning Table 6 le Bench 6 akisemchaitan ahi. Girls Boarding 1st February a pat in akihongpan tai.

Lydia Handloom & Handicraft langa jong nungah gup tobang ahung pantan ahi. Pathen mapuina changpum'a Lydia Centre amachal jing theina dingin taona kop jingu hite.

2015 Women Assembly a kiphatsah dungjuijin Ponkhonna langa Nunei lou panei lou chaga ho le khangdong meithai ho mi 10 Convention nute vahdinga kiphatsah dungjuijin 1st February a kipat in akihong pantan nungah chapang ho jong ahung pantan ahi.

Kipa aume, KBC Nuten na hatoh in tong jinguhite. Nuneilou panilou te dinga minua pang ihiuve. Chaga genthei khoto hi Pathen kipana pen ahi.

Pi Moite Doungel, Centre Church New Lambulane in Lydia Resource Centre a ding in Rs. 50,000/- ahin pe in, ama le ain sung mite Pathen in phatthei bohjing taken. Nute jouse thakhel in kipathu ahung kisei je.

Lhingbem Haokip, Women Secretary, KBC.

# Gambih No.7 Conference

## Cum Gospel Olympic 2016 Kichaita.

Achesa 21-25th Jan'2016 sungin KBC Gambih No 7 Conference Cum Gospel Olympic chu Kotlen B/C KBC No.7 muna Thupi: "Christa a dia Gimnamtui," 2Cor.2:15 mangchan, Speaker Rev.Lamkeng Lhouvum Pastor Gb.7 le Pastor Haopu Haokip C/C Salem Sapormeina ana pang lhonin ahi. Conference sunga Houbung 16 a konin mi ahung kikhomin, Hb jousen jong vahchoila labung asa cheh un ahi. Jingkah nilhah kaikhom



na akineijin sun tengleh Volleyball boys leh Women a kichepna akineijin, Loibol Kholen Houbung ten Boys Volleyball Winners, Tingkai Kholen Houbung Runners up ahiuve. Women's Volleyball Saheibung Houbung Winners, Kotlen Houbung Runners up ahiuve.

23rdJan'16 nilhah in Prize hopdohna aumin ahi. 1.Chief Guest Pu S.Athang Haokip Chief of Saheibung 2.Guest of Honor Pu Thangkholun Haokip Chief of N.Boljang 3.Funtional President Pi Boice Haokip President Women apangin chule Special Gust in Lhang Haosaho: 1.Pu Nehminlen Haokip L.Jangnomphai, 2.Pu Khaimang Kipgen Bijang Village apang lhone.

Nisim 24th Sunday nikhon Closing Ceremony a 1.Chief Gust Pu Gai Khangam Deputy CM, 2. Guest of Honor Pu Ngamthang Haokip Minister IFCD 3.Funtional President Pu Johny MDC chuleh Special Guest a 1. Pu Paotong DOUNGEL 2.Pu Nehkholam Haokip 3.Pu Mangjang Haokip 4.Pu Henkholun Haokip 5.Pu Hemin Kipgen 6.Pu Manglal Kipgen 7.Pu Henpao Haokip 8.Pu Manglen Changsan chuleh 9.Pu Tonghen Haokip ho ahiuve.

Pathen in Speaker teni amang chan achai nilhah in Christa a dia Gimnamtui dia kikat doh leh insung Maicham semjing dinga kipedoh mi tampi aumin Pathen chu thangvah in in um taken.

Pu Thongjang DOUNGEL  
Chairman KBC No.7

Pu Haokhongam Haokip  
Secretary KBC No.7

# HOUBUNG HO HETSAH

Centre Church ho hihen, Local Church ho hijongle Convention a kon'a official Receipt book ho hi Convention in audit abol thei ding ho bouvin amanding ahin, chule Houbung a Hopsom leh Maicham receipt a toh manthei hiding ahi. Gambih ho leh Houbung department hon amanlou diu ahi.

Chule Cetre church holeh local Church ho Convention a audit ahethei ding ho , Mission le Houbung a hon atum'a receipt book na kistem thei ou ding u ahi. Nangma ho semthu receipt book ho chu naman kit tahlou diuva hetsah na khoh-tah hung kibol ahi.

Kakipah e.

Incharge, Finance Secretary.

## Kipa Thuphon

Achesa nisim 18-22 November, 2015 sungin Keithelmanbi Solam Baptist Church (KBC No.5) munna 'Pasal Camp' Mission Deptt. tohgonna noiija ana kibol chu boilou hellin ana kichaijin ahi. Hiche Camp hi nisim 18th Nov.15 nin Pakai lhacha Pu Pastor Lunkholal Haokip, KBC No.5 in hondohna ana nei jin ahi. Chuto lhon chun "...Pakaijin nanga konna ipi adei ham..." Micah 6:8 hi thupi in ana kimangin chuleh pasal - 36 in hiche Camp'a panlahna ana nei jun ahi. Rev. Letpu Kipgen, Evan. Thangboi leh Pastor Lunkholal Haokip cheng Speaker hinan Camp chu Pathen lungsetna jallin lolhingtah in ana kichaijin ahi. Hiche Camp a kithopina pan nasatah eilah peh uva mimal hihen, honna hijongle sumle pai, neile gou, thale junga eikithopihou jouse leh Women Deptt. ho chungu kipana alen deh in ahi. Chuleh Keithelmanbi Christina Baptist Church (KCBC) Houbung, Women Society chuleh Border veng kiloikhomho chungu jong kipathu seijou lou akiphongin ahi. Malam'a Pathenin phatthei naboh jing taohen !

Achaina keijin Hatchungnung Hingjing Pathen in Keithelmanbi Solam Baptist Church (KBC No.5) phatthei boh jing taken !

Kakipah'e.

Jampu Kipgen, Secretary, Mission Department, KBC.